



## AALAJANGIINEQ

19. marts 2012  
Sagsnr. 2012-062319  
Dok. Nr. 856248

### ”Assaqtami aasarsiortarfiup ingerlanneqarnera”

Postboks 909  
3900 Nuuk  
Tlf. (+299) 34 50 00  
Fax (+299) 34 54 10  
E-mail: [iaan@nanoq.gl](mailto:iaan@nanoq.gl)  
[www.nanoq.gl](http://www.nanoq.gl)

### Suliap takussutissartai

Qeqqata Kommuniata (matuma kinguliani maalaarutigineqartoq) 12. maj 2010-mi Assaqtami aasarsiortarfiup ingerlanneqarnera tamanut ammasumik suliariumannittussarsiuupaa. Tamatuma kingorna neqerooruteqartitsinissaq tamanut ammasumik saqqummiunneqarsimanersoq ersernerluppoq. Tunniussinissamut tunngavissat neqerooruteqartitsinermi ilisimatitsissutigineqanngillat, kisiannili maalaarutigineqartoq neqeroorutit akornanni nammineerluni toqqaanissamut pisinnaatissimavoq, tunngaviumillu akikinnerpaamik neqerooruteqartumut aallarniutaasumik isumaqatiginninniarusussimalluni. 26. Maj 2010-mi apersuiffiusunik ataatsimeeqateqartoqarpoq.

Neqerooruteqartitsisarnermut Maalaaruteqartarfiup najoqqutassatut nassiussaani allassimavoq, suliassami ingerlatsinermi suliassat pineqartut, taamatullu angalaqatigiit aallartinneriniit naammassinerinut najuuttarnissaq, anartarfinnik illoqarfimmut angallassisarnissaq, angallatinut pigineqartunut akisussaaffeqarnissaq, qaammataasatigut oqarasuaatinut akisussaaffeqarnissaq, atortut tamarmik inissaminniinersut misissortarnissaat, tammaarsimaarfiup tikikkumi-nartuunissaanik qulakkeerinissaq kiisalu aserfallatsaaliuinermi suliassat, soorlu imermik pilersuinerup aserfallatsaalineqarneranik qulakkeerinissaq aammalu pisariaqartitsineq malillugu qalipagassanik iluarsagassanillu isumagisaqarnissaq. Kiisalu tammaarsimaarfimmi illut tamarmik immikkut ilui silataallu ukiut tallimakkaarlugit ataasiarluni qalipanneqartassapput.

1. juni 2010-mi neqerooruteqartut e-mail-ikkut 2. juni 2010-meersukkut kikkut suliassamut neqerooruteqarsimanerini ilisimatinneqarput. Tasani allassimavoq *Entrepreneur S* (matuma kingorna maalaarutigineqartoq) neqerooruteqartut allat pingasut ilagalugit neqerooruteqarsimasoq, aammalu maalaaruteqartup neqeroorutaa akikinnerusoq. Neqeroorut nalorninarqartitsiviulluni tunniunneqarpoq.

Tamatuma kingorna neqerooruteqartunut assigiinngitsunut tunniussineq nalunaarutigineqarpoq, tassani maalaarutigineqartup pilertortumik uteqqilluni nalunaaruteqarniarluni ilisimatitsissuteqarsimanera apeqqutaatinneqarani.

2011-mi aasakkut maalaaruteqartup paasivaa, neqerooruteqartut allat taakku aasarsiortarfimmi suliassanik suliqartut. Tamanna tunngavigalugu maalaaruteqartup neqerooruteqartitsinerup ingerlanera maalaarutiginiarlugu allakkatigut 3. januar 2012-imeersutigut maalaarutigineqartoq attaveqarfigaa, tamannalu iluatsillugu tunngavissaqanngitsumik atuutsitsilernissap tunuartinneqarnera pissu-

tigalugu 419.500 koruuninik taarsiissuteqartoqarnissaanik piumasaqaammik saqqummiussilluni.

23. januar 2012-imi maalaarutigineqartup utoqqatsissutigaa, entreprenørinik/neqerooruteqartumik toqqaaneq allakkatigut nalunaarutigineqarsimannngimmat, kisiannili tamanna piaartumik piumaartoq ilisimatitsissutigalugu. Kiisalu taarsiissuteqarnissamut piumasaqaat itigartippaa, sanaartornermi neqerooruteqartitsisarneq pillugu Inatsisartut inatsisaanni nr. 11-mi, 2. december 2009-meersumi, kingullermik Inatsisartut inatsisaatigut nr. 4-kkut, 15. april 2011-meersukkut (matuma kingorna neqerooruteqartarnermut inatsit) allanngortinneqartumi § 29, imm. 4 naapertorlugu suliaq pisoqalisimammat. Kiisalu maalaruteqartoq Neqerooruteqartitsisarnermut Maalaruteqartarfimmut innersuunneqarpoq.

Neqerooruteqartarnermut inatsimmi § 29, imm. 4-mi allassimavoq:

”Neqerooruteqartitsinerup inernerata neqerooruteqartumut nalunaarutigineqarneraniit, maalaarummik Maalaruteqartarfimmut tunniussinissamut piffissarititaasoq sapaatit akunnerinik sisamanik sivilissuseqarpoq.”

Maalaruteqartoq pisoqalisoorneq pillugu apeqqummut ilitsersorneqarniarluni Kalaallit Nunaanni Sulisitsisut Peqatigiiffiat attaveqarfigaa. Sulisitsisut Peqatigiiffiat isumaqarpoq, maalaruteqarnissamut piffissarititaasoq aatsaat tunniussineq pillugu nalunaaruteqarnermiit aallartittussaasoq.

Maalaruteqartumit oqaatigineqartut malillugit suli nalunaarutissavimmik tunniussisoqarsimannngimmat, maalaruteqartarfiup maalaarut 17. februar 2012-imi Neqerooruteqartitsisarnermut Maalaruteqartarfimmut nassiuppa.

Maalaarutigineqartoq maalaarummut atatillugu tusarniaaffigineqarsimannngilaq, aalajangiineq manna taamaallaat Neqerooruteqartitsisarnermut Maalaruteqartarfiup maalaarummik suliaqarsinnaaneranut apeqqummut tunngasuummat.

**Maalaruteqartarfiup oqaaseqaataa:**

Neqerooruteqartitsisarnermut Maalaruteqartarfiup neqerooruteqartarnermut inatsisip unioqqutinneqarnera pillugu maalaarutit suliarisinnaavai. Neqerooruteqartarnermut inatsit taamaallaat pisortat sanaartugaannut aammalu sanaartukkanut pisortanit tapiiffigineqartunut atuuppoq.

Sanaartugassat oqaatigiinnarlugu tassaapput suliassat, sanaartorfimmi, illumi imaluunniit sanaartukkami atortumiluunniit sanaartukkanik aalajangersimasunik naammassisagarnissamik siunertaqarfiusut.

Inatsimmi § 2-mut nassuiaatini allassimavoq, sanaartukkanik oqarnermi illunik sanaartukkanillu nutaanik sananeq, nutarterineq, aserfallatsaaliuineq aammalu iluarsagassat nalinginnaasut eqqarsaatigineqartartut. Tamatuma saniatigut taa-

matut oqarnermi ilaatigut illunik isaterineq, qillerineq kiisalu illuni sanaartukkanilu atortulersuutit pineqarput.

Taamaalilluni aamma erseqqissaatigineqarpoq, sanaartukkat, assersuutigalugu ingerlatsinermi aserfallatsaaliuinermilu suliassaannaat paarlattuanik tigussaasunik piujuartussanillu inerneqartartut, soorlu illumik sanaartukkamilluunniit sanaeq, nutarterineq imaluunniit isaterineq.

Neqerooruteqartitsineq pineqartoq naapertorlugu suliassat ingerlatsinermi suliassanut tunnganerupput. Neqerooruteqartitsinermi aserfallatsaaliuinermi suliassat ikittut sanaartugassanut attuumassuteqanngillat. Taamaattumik neqerooruteqartitsinermi suliassat neqerooruteqartarnermut inatsimmi § 2-mi nassuiarneqartunut ilaatinneqanngillat.

Tassalu tunngaviusumik neqerooruteqartarnermut inatsit neqerooruteqartitsinermit pineqartumut atorneqartussaannigilaq.

Tamatuma kingorna apeqqutaalerpoq neqerooruteqartarnermut inatsisip sanaartornermut suliassanut allanut atorneqarnissaa, tamatumalu kingunerisaanik maalaaruteqartoqassappat maalaarutit Neqerooruteqartitsisarnermut Maalaaruteqartarfimmit suliarineqarsinnaanersut pisortani neqerooruteqartitsisup akuersinnaanera.

Neqerooruteqartarnermut inatsit namminersortut sanaartugassaataannut atorneqassanersoq, tamatumalu kingunerisaanik taamatut neqerooruteqartitsinermit maalaarutit Maalaaruteqartarfimmit suliarineqarsinnaanersut isumaqatigiissutigneqarsinnaavoq. Neqerooruteqartarnermut inatsimmi § 1, imm. 4-mi imm. 5-imut atatitsilluni tamanna allassimavoq. Aalajangersakkami tassani taamaallaat sanaartornermut atatillugu neqerooruteqartitsisut namminersortut neqerooruteqartitsisullu allat, tunngaviusumik inatsisip atuuffiginngisaasa inatsisip atorneqarnissaanik isumaqatigiissuteqarnissamut periarfissaqarnerat pineqarpoq, tak. aalajangersakkamut nassuiaatit.

Tamatuma saniatigut sanaartugassanut isumaqatigiissutit saniatigut inatsisip suliassanut allanut atuunnissaa, tamatumalu kingunerisaanik Maalaaruteqartarfiup neqerooruteqartitsinermit maalaarutinik suliaqarnissamut piginnaasaqartutut isigineqarnissaa pillugu isumaqatigiissuteqarnissamut neqerooruteqartarnermut inatsimmi tunngavissaqartoqartoq oqartoqarsinnaanngilaq. Tamannarpiaq pissutigalugu Maalaaruteqartarfimmi ilaasortat sulianik ilisimasallit sanaartornermik inuussutissarsiuteqartunit inassutigineqartarput.

Tamanna tunngavigalugu sanaartornermi neqerooruteqartitsisarneq pillugu Inatsisartut inatsisaanni nr. 11-mi, 2. december 2009-meersumi § 27, imm. 3 naapertorlugu maalaarut itigartinneqarpoq.

**Tamatuma kingorna aalajangerneqarpoq:**

Maalaarut itigartinneqarpoq.

Suliap itigartinneqarluni matumalu siuliani taaneqartutut tunngavilersorneqarluni ilusia eqqarsaatigalugu maalaaruteqarnermut akitsuummik akiliisitsiso-qassanngilaq.

Thomas Trier Hansen

-----

Atsiornerup eqqortuunera uppersarnerneqarpoq.

Neqerooruteqartitsisarnermut Maalaaruteqartarfik, ulloq 19. marts 2012.

---

Janus Køster

Neqerooruteqartitsisarnermut Maalaaruteqartarfiup allattaa